

Nimb deren Florum, welche ich hernach zu machen lehren werde / 1. Pfundt / thue solche in ein Kolben glasz / schütte darauff 2. Pfundt guten vnd starcken rectificirten Spiritum Salis, schwenck es in dem Glasz wol durch einander / vnd setze es in ein Sand Tag vnd Nacht zu solviren / darnach schütte solche Solution mit den Floribus in einen beschlagenen Retorten / leg solchen in ein Sand. Capell / gib erstlich lind Feuer / biß alle phlegma vber ist / darnach stärke solches / so gehet ein schwacher Spiritus, dann die scharpffen bleiben zurücke bey dem Antimonio, hernach stärke das Feuer noch mehr / so steigt ein dickes Del vber / gleich dem Butyro, welches mit dem Mercurio Sublimato gemacht worden / vnd kan zu allem gebraucht werden / dazu sonst das Butyrum auch gebraucht wirdt. Wie folgt:

CAPUT XIX.

Flores Antimonii Vomitivi Albi.

Rz. Solches Butyri so viel du wilt / thue es in ein grossen Kolben oder ander Glasz / vnd schütte so viel gemein Wasser zu / biß keine weisse Flores mehr fallen wollen / dann gieß das Wasser ab von den Floribus, süsse dieselbe mit warmem Wasser auß / vnd trückne solche an einer linden Wärme / so bekompt man ein weiß Pulfer. Solches zu 1. 2. 3. biß auff 8. oder 10. Grana, nach Gele